

BOSNA I HERCEGOVINA
FEDERACIJA BOSNE I HERCEGOVINE
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA

Broj: T04 0 KT 0059595 24
Zenica, 07.01.2025. godine

OPĆINSKOM SUDU U ZAVIDOVIĆIMA
Sudiji za prethodno saslušanje
ZAVIDOVIĆI

Na osnovu člana 45. stav 2. tačka i) u vezi sa članom 241. stav 1. Zakona o krivičnom postupku F BiH, podižem

O P T U Ž N I C U

Protiv,

K. S., osuđivan više puta za razna krivična djela,

što je:

u tačno neutvrđenom vremenskom periodu, u Z., suprotno odredbama člana 4. stav 1., 2, 3. i 5., a u vezi sa odredbom člana 19. Zakona o sprečavanju i suzbijanju zloupotrebe opojnih droga, u ograđenoj parceli u šumskom pojasu u blizini mjesta G. G., zasadio i uzgajao 23 stabljike koje sadrže psihoaktivnu komponentu tetrahidrokanabinol (THC) koja predstavlja opojnu drogu „Cannabis“, koja opojna droga je pod rednim brojem 13. i 26. Liste opojnih droga iz Tabele 1., Zabranjene tvari i biljke proglašena opojnom, iako je bio svjestan da je neovlaštena proizvodnja opojne droge zakonom zabranjena ali je unatoč tome to htio, koja opojna droga-stabljike visine od 100 cm do 250 cm su pronađene dana 26.07.2024. godine oko 07:00 sati kojom prilikom je i zatečen od strane policijskih službenika PS Z. kada je obrađivao stabljike, zbog čega je pobjegao sa lica mjesta u nepoznatom pravcu,

dakle, neovlašteno proizvodio opojnu drogu,

čime bi učinio krivično djelo neovlaštena proizvodnja i stavljanje u promet opojnih droga iz člana 238. stav 1. KZ F BiH.